

**Saksframlegg**

Utval	Utvalssak	Møtedato
Formannskapet		24.10.2019

Ny søknad om etableringstilskot frå Fjonesundet Kafè**Vedlegg:**

- 1 Søknad om etableringstilskot - Ferjekafeen på Fjone
- 2 Bedriftsplan for Fjonesundet Kafé

Fakta i saka:

Leo og Yvonne Kievit søker Nissedal kommune om eit etableringstilskot på kr. 30.000 i samband med at dei har overtatt drifta av Fjonesundet Kafè på Fjone. Det er totalt oppgjeve investeringskostnadar på kr. 800.000,-. Ein gjer merksam på at fleire av investeringstiltaka er søknadspliktig, samt at søknaden inneheld andre spørsmål som søkjarane ber om avklaring på. Dette vil bli handsama i eigne saker.

Vurdering:

Leo og Yvonne leiger Ferjekafeen av Nissedal kommune og overtok drifta av kafeen 17. mai i år. Dei har drive næringsverksemd i Nederland i mange år før dei flytta til Fjone. Ønsket er nå å busette seg på Fjone og å drive kafeen saman.

Alkoholprøva for skjenkeløyve, samt etablerarprøva for serveringsverksemd er ikkje tatt endå pga. språklege utfordringar. Planen er at Henrik Dijkstra skal ta desse prøvene i løpet av vinteren 2019/2020, mens Leo Kievit tek prøvene våren 2020.

I år har kafeen hatt opent 7 dagar i veka i skulens sommarferie. Ut over dette har dei hatt stengt på måndagar, men elles opent. Kafeen vil vere stengt frå starten av oktober til starten av mai neste år, då dette er lågsesong. I denne perioden vil drivarparet vere i Nederland. Frå 1. mai til midten av juni, samt midten av august – ut september vil der vere opent torsdag – søndag. I perioden 15. juni – 15. august vil kafeen vere open sju dagar i veka.

Ferjekafeen er eit verdifullt tilskot til næringslivet i Nissedal kommune, og ikkje minst på Fjone. Den har ein god kundekrets både lokalt, blant hytteigarar og turistar, og ein veit at i den tida kafeen er stengt er det eit sakn i bygda. I tillegg leverer kafeen mat på bestilling.

Ferjekafeen har i sommar hatt to faste tilsette i fulle stillingar.

Rådmannen meiner at størrelsen på tilskotet bør vere noko mindre enn til næringar med heilårsdrift.

Næringsfondet har pr. 12.09.2019 ein saldo på kr. 72.000.

Rådmannen si tilråding:

Nissedal formannskap ser positivt på søknaden frå søknaden frå Leo og Yvonne Kievit. Då det pr. i dag kun er drift halve året vel rådmannen å løyve kr. 15.000 til Fjonesundet Kafè.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.